

Augustus 2017

Beste Ruiters

Ek wil begin met die uitdeel van sterre: Goue sterre vir kleinkinders wat ouma en oupa se Ruite met e-pos vir my gestuur het; en silwer sterre vir kinders wat hulle ouers se Ruite ingestuur het. Ek het inskrywinge gekry selfs vanaf slimfone!

Ons het die punt bereik waar daar meer Inskrywings elektronies ingestuur is as met die pos. Sommige het gefaks en gepos, ander ge-e-pos en gefaks. Ek glo ek het almal gekry en die name gelys.

Ek moet ook sê dat hoe meer die tegnologie vorder, hoe makliker kan dinge skeef loop. As dit skeef loop, is dit sommer baie skeef. Kom ons hoop maar alles is hier en almal tevrede.

Onthou maar weer om te meld as u oor 80 is, veral as iemand ander die inskrywings per e-pos of faks stuur.

Ek het weer navraag gekry oor die Ruit boekie. Ek moet bieg: ek kom net nie daarby uit nie! Dis nie meer lank viir ek emeriteer nie, dan is dit baie hoog op my prioriteitslys.

Daar is ook 'n ander klein probleempie wat soms insluip en wat ons nie noodwendig raaklees nie: waar daar woordjies in die hersiening van die vertalings verander word. Jammer as dit u so effens van stryk bring.

Ek gebruik net die amptelike vertalings van die Bybelgenootskap. Daar is ander vertalings in Afrikaans beskikbaar maar ek gebruik hulle nooit.

Intussen het ek drie boekies oor ons Belydenisskrifte uitgegee. Ek het daar woorde uitgelaat en die woorde versteek in 'n woordsoek. Die boekies is by die Administratiewe Buro beskikbaar.

Onthou ook dat ek in die Slingervel ook mini-Ruite publiseer – heeltemal te maklik vir die Ruiters, maar darem iets om u mee besig te hou.

Hartlike Ruit-groete

U Ruitherder

Ds Hennie